

մեծ եւ լայնանիստ . անդ եւս շրջեալ դարմա-  
նալի իրս տեսաք : Եւ Ֆէլահ Արպինն որպէս  
ատրուկ եւ գերի էին ի դռներն . եւ ամէն ա-  
ղայի դուռն երկու-իրեք արասլ կայր : Եւ Սա-  
80 բային առջեւն սարայ մի ալ կայր եւ բազում  
մէրմէրէ սներ հաստ եւ ազնիւ . վերեւն փլած  
էր , միայն սներն էր . եւ ասին թէ Փառաւոնի  
սարայն էր սա : Եւ այլ յառաջ սարայ մի այլ  
կայր , բոլորածեւ մեծ . այժմ մէջլիթ է . զայն  
85 Կուրճի սոլթանէն առած է . զի Մսրը Կուրճին  
ունէր : Եւ այլ բազում սարայք եւ շէնք եւ եա-  
բուք տեսաք : Եւ բլրի մի վրայ հոր մի կայր ,  
Գճ մատ ի վայր . ամէն ճ մատին գլուխ եզանք ,  
որ տօլապով ջուր կու հանեն ի վեր . ներքինն  
90 միջնոյն , միջինն վերնոյն . եւ այսպիսի դէսնի-  
Ֆոս վանդնդոց ջուր հանեն տօլապով պաղ եւ  
անուշ . զի քաղաքն ջրէ զապունն է . եւ ասին  
թէ երեքհարիւր եզ կայ յայն խզմէթն :

## ՄԱԹԱՐԻԱ

Եւ տէր Մաղաբիան տարաւ զիս եւ դամե-  
95 նայն ուխտաւորս օր մի ի Մաթարիայ , որ կէս  
միլ հեռու էր քաղքէն . եւ կայր ի ճանապար-  
հին վանք մի սուրբ Մարգիս . անդ թաղէին  
ղհայ մեռեալք : Եւ ի Մաթարիայ կայր մեծ  
հաւուղ մի . եւ ջուր ի նմա , տօլապով լցած :  
100 Եւ ասին թէ Քրիստոս յորժամ վախեաւ  
Մսրայ՝ յայս գեղս իջաւ . եւ Քրիստոս ջուր  
խնդրեց , մայրն գնաց խնդրել ջուր եւ ոչ